

AUGMENTUM
HONORUM,

Quod

V I R O
GENEROSO, PER-MAGNIFICO,
& Perquàm STRENUO,
DOMINO,

Dn. CONSTANTIN
FREDERO,

REIPUBLICÆ GEDANENSIS
PRÆ-CONSULI SENIORI
MERITISSIMO, &c. &c.

PROTO-SCHOLARCHÆ

dignissimo

A. MDCCVII. XV. Calend. April.
solenniter creato,

in

Augmento Laborum
observantissimè

gratulari

debit ac potuit

JOHANNES ERNESTUS SCHRÖDERUS,
R. S. C.

GEDANI,

Typis JOHANNIS ZACHARIÆ STOLLII.



MAGNE VIR antiquo Proavorum stemmate,
major

Virtutis magnâ nobilitate tuâ.

MAGNE VIR eximiis titulis, & honoribus
amplis,

Ingenuâ major laude, decore, fide.

MAGNE VIR insigni famâ, quæ sidera pulsat,

At major meritis, nominibusque novis.

Virtutum stupuit cumulum mea Musa tuarum

Semper, & exarsit laudibus usque tuis.

Has voluit dignas plectro resonare canoro,

Versibus ac meritum commemorare decus,

Et laurûs, cinxere caput quæ foenore largo,

Incendêre animos protinûs igne pio.

Ingenium nostrum, venâ quod paupere manat,

Plaudebat paucis, **VIR GENEROSE, TIBI:**

Plausissetque magis, mordax nisi cura dolorque

Fregissent studium consiliumve meum.

Nam caput immensî conturbavêre dolores

Infelix, & spes parva salutis erat.

Langvida membra novo torpore effœta jacebant,

Majus erat doctâ proh dolor! arte malum.

Muneris intercâ grandis labor inter acerbos

Transactus gemitûs, nec fuit ullus Atlas.

Jam vires rediêre novæ, quæ gratia **JOVÆ** est,

Dum tamen ingenium nunc sua damna gemit.

O utinam calor in præcordia mœsta rediret,

Cyrrhææ hoc flueret tempore rivus aquæ!

Jure gradûs omnes scandisti lætus **Honorum,**

Quos unquam hic Virtus clara merere valet.

Jam rarus **TIBI** surgit Honos, conceditur uni

Qui modò, dum vitæ tempora tuta sinunt.

Sicq; salutaris, sic **PROTO-SCHOLARCHA** vocaris,

Quod **PATRES** cupiunt, dexteritate graves.

Isto cunctarum specialis cura Scholarum

Munere, quod primum est, traditur ecce! **TIBI.**

Antistes

Antistes Themidis clarebas, jura piūque
Servando, florens integritate tuā.
Posteā TE Membrum PROCERUM sacer Ordo legebat,
Splendida tunc magnam Curia vidit opem.
Pro meritis tandem gratanti pectore tradit
Fasces, quēis non fors dignior ulla fuit.
Tunc prostrata tuis iterum Respublica crevit
Auspiciis, tunc urbs gaudia magna dedit.
Expertum magnumque VIRUM TE mœsta probabant
Tempora, quæ fatis aspera semper erant.
Sæpius insomnes voluisti ducere noctes,
Conservaretur quò pretiosa Salus.
Sic rabidi fluctūs Palinuri turbine dextram
Firmatam explorant, intrepidamque fidem.
Sic Ducis ostendit virtutem ferreus hostis,
Sic magnum faciunt prælia sæva Ducem.
Quòd si jam finerent revocare exordia rerum
Ingenii vires, & pudor ipse tuus:
Non parvas dotes loqueretur prima juvenus,
Quæ peperit palmas posteā, grande Decus.
Dum studiis operans alieno Sole calebas,
Judicium stupuit gens peregrina tuum.
Exultans reducem Patriæ TE gleba recepit,
Non vanam sperans, quæ quoque sensit, opem.
Si licet, optamus magnum, VIR MAGNE, Maronem,
Qui dignè laudes concinat ipse tuas.
Nam datur haut virtus, quæ TE non jure coronet,
Et vix laus meritis sufficit ulla tuis.
Mirari dotes nobis conceditur amplas,
Vix satis has unquam concelebrare licet.
Nunc TIBI de raro gratari Munere munus
Nostrum, quò fidi fungimur, usque jubet.
Sit TIBI faustus Honos, omnique ex parte beatus,
Perpaucos tantū qui beat, iste novus.

Sit

Sit procul omne malum, timor omnis, & omne periculum,
 Omnis **TE** splendor prosperet atque Salus.
 Sis constans Urbis columnen, fulcrumque Scholarum,
 Præsides te nostro gaudeat omne solum.
 Incolumem servet, salvum velit atque valentem
TE DEUS, & placitâ prosperitate juvet.
 Sisyphium fractas saxum vult perdere vires,
 Dum moles humeros intoleranda premit.
 Ac animi pariter periit vigor: inclyta dudum
 Quæ valuit, medicam jam Schola poscit opem,
 Jactantem ampullas & sesquipedalia verba
 Ævi hujus genius postulat atque tumor.
 Alga levis surgit felici germine, viles
 Luxuriant lappæ, lenis arista jacet.
 Vita laborando consumitur, atque bonorum
 Grex abjectus eget, dum mala turba metit.
 Conscia mens recti solatur læta dolores,
 Dum famam lacerat Zoilus ipse bonam.
 Tu morbis nostris, **VIR MAGNE**, medeberis arte
 Phœbæâ, & Musis Herculis instar eris.
TU mala nostra, juvante **DEO**, durissima vertes,
 Fata Scholæ nostræ **TU** meliora dabis.
 Augmenti remoras tolles, causasque ruinæ,
 Floreat ut felix & renovata Salus.
 Phœbus eris **TU** noster, Amor, Splendorque, Paterque,
 Pieridesque reges, Pieridesque teges.
TU Solamen eris nostrum, **TE** Judice tandem
 Triste caput tollet gens pia, prava cadet.
 Præsides **TE** cerebrosa cohors mordaxque quiescet,
 Præsides **TE** noster Flos redivivus erit.
TE reparante Scholæ florescent omine læto,
 Atque **TUAS LAUDES** postera fama canet.

